

MARKING SCHEME
SUBJECT: MIZO (098)
CLASS: X
SESSION: 2025- 2026

- | | | | | | | | | | | |
|----|---|-----|----|-----|-----|-----|----|-----|---|-----|
| 1. | I | (B) | II | (D) | III | (A) | IV | (B) | V | (C) |
| 2. | I | (B) | II | (D) | III | (A) | IV | (C) | V | (D) |
| 3. | I | (B) | II | (A) | III | (C) | IV | (D) | V | (A) |
| 4. | I | (A) | II | (C) | III | (A) | IV | (C) | V | (B) |

5.

- i) Hlawhtlina tura thil pawimawh ber chu rei peih hi a ni.
- ii) Sumdawwna kawnga kan tawpsan fo thin na chhan chu hlawk lo riauva kan hriat vang a ni.
- iii) 'Beidawwna' tih awmzia chu thil engkima beiseina reng reng nei tawh lo tihna a ni.
- iv) Eng kawng pawh zawh dawn ila beih talh talh, beidawng lo leh hlawhtlin hma chuan tawpsan loh hi a tul takzet a ni.
- v) (a) Natnain min tlakbuak reng avangin ka taksa a chaklo hle.
(b) Harsa tak chung pawha beih kan fan fan chuan a tawpah hlawhtlinna kan chang ang.

6.

- i) Hunchhan = I bel hunchhan chu a chhah tha hle mai.
Hun chhan = I bel rawn hun chhan kha min hrilh thei em?
- ii) Chhungkhat = Chhungkhat laina tlawh kual hi a nuam ka ti thin hle.
Chhung khat = Belah khan tui rawn chung khat ang che.

7.

- i) Wawi engzat nge len i den ve tawh ?
- ii) Engtik laiin nge i hmuh hnuhnun ber ?
- iii) I kawr ran dan kha a mawi ka tih zawng tak a ni.

8.

- (i) Ka nute chu nichin lawk khan an rawn thleng.
(ii) Doctor damdawi min chawh chu ka ngeih hle mai.
(iii) Kawng a nal lutuk a, ka tawhlthlu thuai mai.

9. (i) "Mi tawn ah puan ang valrianga."

He hla thu tarlan hi Lungrukah min vei ve la tih hla, K.C Lalvunga phuah, Class – X zirlaibu, Tlawng atanga lak chhuah a ni a, chang thumna a ni.

He hla phuahtu hi a ngaihawngin pasal a neihsan daih mai a, hlim taka an inkawp thin lai te a ngaihtuahin mak a tiin a lung a leng em em mai a, an nun hlui te chu a theihngilh thei dawnin a hre lova, a lunglen tur zia a tarlanna a ni.

He chang tarlanah hian hla phuahtu hian a ngaihawng chu pasal neiin mi dang ta ni tawh mah sela khawhar taka a awm tur chu rawn ngaihtuah ve thin turin a duh a, an nunhlui athlir kir chang chuan a khawhar dan tur rawn ngaihtuah ve thin tura a duh thu a tarlang a ni.

(ii) "Tlai ni kan leng a lo chang ta."

He hla chang hi "Thlangtiang Thlifim" tih hla, V.Thangzama phuah, Class – X Mizo Zirlaibu, Tlawng atanga lak chhuah a ni a, chang lina a ni.

He hla hi chanchin thain kan ram tana hna a rawn thawh nasatzia leh nun a tih hahdam dan tarlanna hla a ni a, chanchin tha chu Thlangtiang Thlifim tiin a sawi nghe nghe.

He chang tarlanah hian hla phuahtu hian chanchin tha a rawn thlen hnua kan nun inthlak danglam nasatzia a sawi a, zu leh sa tel lo va hlim taka kan hman theih tawh thu leh, ral leh huai hlau tawh lo va thlamuang taka kan awm theih tak thu a tarlang a ni.

10.

(i) Zirtu kawng tih hla phuahtu hian zirlaite chu loneitute nen a tehkhin a. Loneitute chuan a tahtawl te a ni sa, ruahsur leh zing dai pawh pawisa thei lova nitin a thawh chuan kum tawpah rah tha tak seng tur an nei thin a, chutiang bawkin zirlaite pawhin a tahtawl te a taima taka lehkha an zir chuan kum tawpah hlawhtlinna tha tak an nei thin.

(ii) He hla phuahtu hian a ngaihzawngin pasal a neihsan tur hriatthiam har a ti em em a, an nunhlui te pawh theihngihl theih a inring lova, khawhar takin a awm tawh dawn a ni tih in hrereng chung a hlim tak leh dam taka awm tura duhsakna nen a thlah liam thei hi ngaihzawngten nupui pasal an nei dawn rilru put dan hahdam tak lo lang chu a ni.

(iii) He hla chang thumna hian Pathian ropuizia chu he khawvela mihringte zingah tumah sawifiah thei an awm loh thu leh van mite zingah meuh pawh sawifiah thei an awm leh thu a sawi a. Chang lina ah hian Lal Isua lungngaih aw khan lei a tihngin hial thu leh ropuina nena a lokal leh hunah pheih chuan lei leh vanin an dawl zawh loh tur thu a sawi a ni.

(iv) Nungcha zawng zawng hi Pathianin chhan leh vang nei veka a siam an ni a, anmahni tawkah pawimawhna leh hlutna an nei theuh a ni. Kan tana a tangkaina kan hriat lem lohte pawh hi mi thiamten a tangkaina an hmuchhuak zel a, an la hmuhchhuah belh zel pawh a rinawm. Mihringte tan hlutna tam tak an nei a ni.

Mihringte ang lo takin nungchate hi chuan Pathianin a siam dan angin Pathian an fakian an chawimawi a, Pathian ropuizia an tilang chiang hle a, hemi kawngah pawh hian an hlu hle a ni.

(v) He hla phuahtu hian vanram chu ‘nun tawp lo ram’ tiin a sawi a. Thim reng reng awm lohna, ringtute chuan lallukhum chang lawmna famkim an chan tawhna hmun tur niin a sawi bawh. Tin, vanram chu hmun ralmuang, hlim taka angelte nen Pathian fakna hmun tur niin a sawi bawh..

11. Tunhma angin khua leh khua indo a awm tawh lo va, ramsa hlauhawm min tibuitu a awm tawh hek lo. Pialral kan ngaihdan pawh a dang tawh a, tunhma angin Pasalthaten Mizo nunah hlutna an nei tawh lo ni mai lovin nungcha tiremtu an ni ringawt tawh a, chuvangin pasalthate kan ngaihdan hi thlakthleng a ngai tawh a ni.

Sa kap theite hian ram leh hnam tan tangkaina an nei tawh lova. Ramsa leh nungcha ilo tiremtu an ni ringawt tawh a, tunlai hunah pasalthaa chhiar tlak an ni tawh lo. Ram leh hnam chhan nan theihtawp chhuah thin te, khawtlang thatna leh mawina tura pen chhuak thin mi tlawmngai, mi dik, huaisen leh rinawm te hi pasalthaa ngai tawh zawk ila a inhmeh tawh zawkin a lang.

12. Chan tawka lungawite chuan beisei dang vak an nei lo va, mahni neihah theuh an lungawi avangin rukruk, tualthah, uire, zu ruih, hlep ruk, mipat hmeichhiatna hman dik loh, thenawmte nena ramri buai, nupa inkar thubuai te a awm lo va. Sawrkar leh sawrkar, ram leh ram sakhua leh sakhaw inkara buaina leh tharum thawhna zawng zawng te pawh hi a bo vek dawn a ni.

Chutih rualin chan tawka lungawi mai hi that lohna tam tak a awm ve tho mai. Heti hian sawi ta i la, chan tawka an lungawi miao avangin an dinhmun ngai rengah an awm a, an dinhmun pangngai aia sangah an inhlangkai thei ngai lo. Chu bakah hmasawna rahbi thar an chuangkai thei ngai lo bawk a ni.

13.

- (i) Zirna inah thil chi hrang hrang kan zir angin mahni in theuh hi thil chi hrang hrang kan zirna hmun a ni. Tha leh tha lo, mawi leh mawi lo inzirtirna bul a ni a, zahawm dan te, rinawmna te, rilru sakhat leh ngilneihna, awmdan tha tinreng zirna hmun a nih avangin inhhung hi zirna in nen a inang hle a ni.
- (ii) Nu tha takin hmangaih tak leh khauh tak, lungawi tak si a fate an kaihhruaina tluka zirtirna tha leh duhawm hi George Herbert-a chuan awmin a ring lova, chutiang taka nu thain a zirtirna chu zirtirtu za zetin an zirtirna tluka hlu niin a hria a ni..
- (iii) Kan hringnunah hian hlawhtlinna nei tur chuan beiseina kan neih a pawimawh a, beiseina nei lo tan chuan hlawhtlinna kawng a awm lo. Harsatna leh buaina pawh lo thleng mahse miin beiseina nung a neih tlat chuan a thu kun mai lova, a chung a thil thleng chu a dawngsawng thiam a, nakina thil tha zawk lo thleng thei chu beiseinain a thlir a, a beidawn duh miah loh avangin a thil tihah a hlawhtling nge nge thin.
- (iv) Hun hi tih ziaktu hian khawvel hi khelmual angin a sawi a. Mi chi hrang hrang, mi hausa leh rethei, mi lian leh te, mi tinin kan hun hman dan zawng zawng hi khelmuala inkhel angin a sawi a ni.

14. (Unseen)

15. (Unseen)

16. (Unseen)

.....